



Konvensyen KELAB PEMADAM IPT 2011

Oleh: Pn. Nur Aimi Muslim

Pada 20 hingga 22 Mei 2011 lalu, Unit Kaunseling & Kerjaya Jabatan Hal Ehwal Pelajar & Alumni telah menghantar 30 orang pelajar UniMAP yang merupakan ahli Kelab PEMADAM UniMAP. Konvensyen ini merupakan anjuran bersama Kelab Pemadam UTM dan Biro Pendidikan Pencegahan Dadah di IPT & Kelab PEMADAM (PEMADAM Kebangsaan) bertempat di Dewan Sultan Iskandar, Universiti Teknologi Malaysia, Johor. Antara pengisian dalam Konvensyen tersebut ialah Pertandingan Explores Antara IPT 2011, Larian Anti Dadah IPT 2011, Sayembara Mendeklamasi Sajak/Puisi Antara IPT, Ceramah, Pertunjukan & Pameran.

MATLAMAT DAN OBJEKTIF PROGRAM

- Membentuk tingkahlaku dan nilai sahsiah di samping berinteraksi antara ahli Kelab PEMADAM ke arah perkongsian pengalaman, pemupukan semangat jati diri dan menerapkan kemahiran insaniah.
- Memberi ruang dan peluang menunjukkan bakat melalui mendeklamasi sajak, puisi dan sebagainya dalam konteks pencegahan dadah.
- Memberi maklumat yang lebih mendalam tentang dadah dan melahirkan generasi muda yang lebih positif dan berpengetahuan sebagai pemangkin masa depan negara.
- Menyokong dasar-dasar Kerajaan dalam mencegah penagihan najis dadah, Negara Bebas Dadah Tahun 2015.
- Mewujudkan Kelab PEMADAM di setiap IPT/Politeknik dan Kolej Komuniti

Konvensyen tersebut telah melibatkan semua mahasiswa dan mahasiswi dari seluruh Institusi Pengajian Tinggi Awam/Swasta, Politeknik dan Kolej Komuniti dalam negara.